

地 140.99  
1276  
新

卷 六

忠 義 學 行 善 技 方 觀 寺 傳 外 事 記

73433

孝 友 功 寓 武 蹟 仙 釋 志 異 典 籍

儒 林 隱 逸 列 女 墳 墓 災 祥 傳 疑

重刊萬曆萊州府志

吳郁生 署檢



忠義

秦

柏欄將軍 膠西人史逸其姓名秦二世時爲將韓信下齊追田橫假道於柏欄柏欄不忍背秦與信拒戰力盡而死鄉人哀之立廟祀焉

漢

鄭益恩 玄之子孔融在北海舉爲孝廉及融爲黃巾所圍益恩赴難死之

晉

劉敏元 字道光北海人勵己修學好陰陽術數永嘉之亂同郡管平從敏元西奔爲盜所劫敏元謂賊曰此公餘年無幾願以身代盜長欲舍之內一賊弗聽敏元奮劍前曰吾豈望生耶願諸君除此人盜長遽止之相謂曰義士也俱免之後仕劉曜爲中書侍郎太尉長史

萊州府志卷六

宋 懷帝永嘉初爲長廣太守王彌寇青徐羆拒之遇害

隋

杜松贊 北海人性剛烈重名義爲右府隊長大業末有賊楊厚攻北海松贊輕騎覘賊爲厚所獲厚令招降松贊至城下大呼曰官軍大來賊旦暮擒翦矣賊以刀築其口松贊大罵腰斬而死城賴以完詔贈朝散大夫

唐

蔣清 沆之弟平度人舉明經中第調鞏丞東京留守李愷賢之表爲判官安祿山亂東京城破清與愷死之贈禮部侍郎諡曰忠祿其孫郾爲伊闕令

郭航 萊州人李師道辟署右職師道叛航率郭昈切諫俱被繫時蔡州吳元濟拒命師道佯出師彭城航問道走武寧請奇兵三千浮海直擣萊淄朝廷不報航還昈所未幾師道召航昈疑事露欲引決航曰事覺吾獨死君無患卒自殺

宋

程全 濰人建炎初爲瑞州都監金人寇江西守臣遁走全攝州事有盜祝生者攻州全拒之且戰且前至萬載兵少力罷而敗賊執之不屈劊其腹

韓浩 琦之孫知濰州建炎初金人攻城浩率衆拒守城陷與通判朱廷傑皆力戰死權北海縣丞王允功司理王薦皆全家陷沒

周中 世居濰州當韓浩被圍時率家人乘城拒守中弟辛家最富盡散其財以享戰士城陷中闔門百口皆死紹興六年以周聿請贈官

李瓊 濰州人元太宗時襲父全職爲益都行省元數徵兵辭不至以京東歸宋元命史天澤圍瓊濟南城陷乃手刃妻妾投大明湖水淺不得死爲元兵所獲支解之事聞贈瓊檢校太師賜廟額曰顯忠

瓊能不忘宗國去夷歸華且慷慨殺身大明湖之死千古爲烈矣故自外傳內之忠義

元

### 萊州府志卷六

二

釋嘉納 至正間爲萊州守臣毛貴陷萊州嘉納死之

脫歡 至正間以僉樞密院事監膠州劉福通遣其黨毛貴陷膠州歡力戰死之

國朝

鄧璲 高密人中洪武庚午鄉試任南和教諭會署縣事靖難兵起璲監城固守因坐謫戍興州而死識者哀之

蔡顯 萊州衛指揮僉事善騎射正德六年禦流賊顯奮不顧身賊勢已挫旁無援兵爲賊所害一家死者四人事聞贈都指揮僉事子田襲陞指揮同知

張陞 萊州衛指揮僉事正德間流賊至陞分守濰縣城陷與賊力戰而死事聞命其子奉襲陞指揮同知

孝友

漢

淳于恭 字孟孫北海淳于人王莽末歲饑兵起恭兄崇將爲盜所烹恭請代與俱免後崇卒恭養其幼孤有不率教輒用杖自箠感悟之姪愧而改過漢章帝詔除議郎遷侍中進對陳政皆本道德帝與言未嘗不稱善

北魏

王閭 北海密人也數世同居有百口共財產家門雍睦鄉里敬異有司申奏皆標門閭

唐

王君操 卽墨人父爲鄉人李君則所殺時君操尙幼亡命久之還鄉里殺君則取其心肺噉之歸死於刺史刺史上其事太宗貸之

宋

### 萊州府志卷六

三

蔡夢臣 綰孫博通經史尤長於詩宗族鄉黨稱其孝友

呂昇 萊州人性孝父權失明昇剖腹探肝和藥以進父服之復能視昇亦不死淳化中詔賜粟帛

祁曄 字坦之膠水人由進士天禧中以度支員外郎知濰州母喪廬墓哀麻蔬食經六冬有白兔白鳥馴擾墓側狀聞詔賜粟帛

徐承珪 掖人爲贊皇令幼失父母與兄弟三人及其族三十口同居甘食藜藿衣服相讓歷四十年如一日所居里中木生連理瓜異蔓同實乾德間詔名其鄉曰

義感里曰和順

元

王公達 昌邑人性至孝事親盡禮飲食必先嘗父患癱疾公達竭誠泣禱願以身代父疾愈鄉人神之至大元年旌表

張緝 字士明膠州人性孝友能詩文與兄紳弟經同領鄉薦由澤州學正至正中

轉泰州幕職棄任養親居揚州兵亂母姬氏方病臥賊突入舉鎗刺母緝以身蔽之中傷而死母得免

劉濬 膠州人少失父獨與祖母王氏居王氏沒廬墓三年朝夕哭臨始終不懈鄉邦稱之至正六年旌表其閭

王黑兒 平度人幼失怙恃稍長叔告以父母卒在沂州黑兒遂哭泣告天適遇隆冬單衣跣足如初喪至葬所負遺骸歸又夢父母欲食生魚臥水求之冰泮得魚烹以祭墓時人稱其孝感擬諸晉王祥焉

國朝

戰正 字德義高密人洪武間父思道辟縣掾尋調閩之太甯時母方孕正故不偕父獨往越二年卒太甯令憐之命葬於邑之山南覆二石以識之時正方三歲及長爲邑庠生步抵太甯取父骸骨徧訪弗獲乃仰天號哭忽一老至備告正如言求之得父屍遂攜歸與母合葬

## 萊州府志卷六

四

孫惟中 字伯庸昌邑人爲甯海州吏一年貢益都府會父卒及葬廬於墓弗御酒肉晨起無火掬雪頰面久之形容憔悴或勸其還哭而不對縣令戴友諒夜半攜二蒼頭出風雪中抵菴廬惟中聞足音遙問曰暮夜欲何爲戴歎息而去子尙志爲禮部主事

徐聰 字亮聞平度人由監生任監察御史幼失怙家貧事母盡孝曲盡其情及官丁憂廬墓三年朝夕蔬食有異鵲來巢之祥

張信 掖人性至孝母病醫藥弗效遂仰天發誓引刀於脅取肝和麵湯以食母病遂愈事聞旌表擢尙寶司丞陞少卿

李文秀 掖人性至孝少居行伍以老疾還家甚貧父母早亡不成禮欲再營葬不獲將鬻妻宮氏妻弗忍去乞丐供給卒改葬後壠麥連穗宮氏詣闕自陳洪武二十一年旌表其門

毛聚 掖人事繼母以孝稱與兄弟分財每以義讓族中有婚葬不能舉者有助焚

私券還遺錢鄉人重之

戰翱 字騰霄高密人正之姪初爲邑庠生父復敬卒廬墓三年後領鄉薦赴京聞母訃奔喪仍廬墓有紫芝三十莖產墓後縣尹郝文昭欲以事聞騰霄固辭之乃已服闋授翼城訓導時中侍曹吉祥反誅翱上疏論杜宦官之禍辭氣切直後罷官歸家教授生徒嘗百餘人

王楫 濰人天性孝友父喪廬墓茹素三年朝夕哭奠其後喪母如喪父六年內負土築墳日有程課所植樹木鬱然成林過之者皆知爲王孝子廬墓處也縣尹衛輝王曰然具其事聞於長吏旌之

劉天序 濰大有鄉民也父早亡事母至孝家貧力田養母自食粗糲衣敗絮而其母恆溫飽母病長跽顛天願以身代母死哭泣日夜不休鄉族憐其篤孝助之棺斂葬之日遂留墓所露宿野次負土築墳三年遂成丘壟長吏獎之月給米三斗終其身

### 萊州府志卷六

五

郭維 昌邑人家貧磨鏡治生自幼能孝父先卒事母尤篤定省溫清時久不廢室人不色養有逆言維竟出之母終哀哭幾死無嗣臨卒囑其甥曰我死埋父母墳旁好供使令語畢卒甥依其言葬伊親墓旁至今人傷感焉

高三重 膠州人少失恃家貧惟鬻鹽爲生事父與繼母孝謹父嗜弈三重日費十錢爲父弈資繼母病故三重哀毀盡禮異母三妹俱撫育擇良配人稱其孝友父故廬於墓側時三重年六十餘惟蔬素衰麻隆冬不御綿絮人嘉其孝御史以聞奉 旨旌表

儒林

漢

費直 字長翁平度人爲單父令治易長於卜筮以彖象繫辭十篇文言詳說上下經而傳之王璜璜傳之高相至後漢陳元陳衆皆本其傳其後馬融爲其傳以授鄭玄玄作易註荀爽復爲之傳自是費氏之易傳於世

房鳳 字子元不其人以射策乙科爲太史掌故王根薦鳳明經通達擢光祿大夫仕至青州牧明毅梁春秋世傳其學

庸生 名譚膠東人始孔安國傳古文尙書授都尉朝朝授譚時尙書文學未得立後漢扶風杜林傳古文尙書同郡賈逵作訓馬融作傳鄭康成注解由是古文尙書遂著於世

鄭小同 玄之孫高密人玄以其手文似己名曰小同英發不羣精通六經鄉人師尊之時爲侍中嘗詣司馬昭昭適密疏未函如廁還問曰卿見吾密疏乎遂鳩之

文學

五代

韓熙載 字叔言 滌人 唐進士 名聞京洛 以父為明宗所殺 奔江南 事李氏 累官中書侍郎 資政殿學士 才氣俊逸 善屬文 性高簡 無所卑屈 江右號為韓夫子 卒贈

僕射 諡文靖

鞠常 字可久 高密人 少好學 善屬文 擢進士 仕漢周及宋 為著作郎 與楊徽之輩有名於時 應舉時 著四時成歲賦 萬餘言 又為春蘭賦 辭甚藻麗 後為清河令 子仲謀 雍熙中舉進士

宋

王岵 字季夷 北海人 紹淳間 名士 寓吳興 有北海集

國朝

崔廷槐 字公桃 少穎敏 由進士為知縣 累官四川僉事 歸田 後日課諸生 遠近多

萊州府志卷六

七

相從 尤長於詩文 所著有樓谿集 行於世



武功

周

田單 臨淄人齊諸田疏族守即墨燕樂毅破齊七十餘城惟莒即墨未下即墨人推單爲將與燕人對壘六年卒以火牛破敵盡復齊地迎襄王於莒封單爲安平君

北魏

孔伯孫 有兗州人王伯恭聚衆勞山自稱齊王東萊鎮將孔伯孫討平之

唐

劉蘭 字文郁北海人初仕隋粗通圖史能言成敗事貞觀初上書陳方略太宗以爲夏州司馬追擊師都大破之遷豐州刺史縱反間致**瑛**末懼降以妄信讖記事露被殺

宋

### 萊州府志卷六

八

葛懷敏 眞定人仁宗時爲萊州團練使濁流砦兵叛殺官吏潰去懷敏發兵掩襲盡誅其黨

王仲寶 高密人初以謀勇補章丘尉屢捕羣盜累官涇原路總管安撫副使與西羌戰六盤山任福敗北別將朱觀被圍仲寶救之拔觀出圍時諸將皆沒仲寶獨與觀得還除左屯衛大將軍

林廣 掖人以捧日軍授內殿崇班從環慶蔡挺麾下屢與夏人戰大捷韓絳奏爲本道將環慶兵叛廣諭以逆順皆投戈聽命遷英州刺史討瀘蠻乞弟每戰必捷乞弟求降廣發伏擊敗之得其種落三萬班師至閬鄉卒廣有風義輕財好施長於料敵損益八陣圖撰約束百餘條邊地多采用之

劉闡 北海人以拳力爲軍校從延州軍出塞遇敵矢貫左耳戰弗顧衆服其勇討貝州攀壘先登以平貝州功第一再遷振州團練使韓絳宣撫陝西詔闡自河東爲犄角與夏人戰飛矢蔽體不爲卻敵解去累官左金吾大將軍

金

范成進 其先莒人後家濰州倜儻有大志負氣任俠膂力過人貞祐之亂成進籍鄉里丁壯五千人以自扞蔽哀宗出汴成進率衆往從之以功賜王爵元

王國昌 高密人仕爲千戶世祖召問軍旅之事奏對甚悉嘗奉命往高麗海道風濤洶湧國昌神色自若高麗有叛臣據珍島城國昌與經略使攻拔之以戰功爲都指揮使

崔澍 平度人昭武大將軍世榮次子仕元屢立戰功授明威將軍兄弟五人曰潤曰聚曰興俱以武功顯而澍不惜殺身以除國難其功尤著國朝

王眞 鰲山衛指揮永樂中妖賊唐賽兒黨率衆圍諸城眞率兵擊敗賊衆盡戮之械首惡京師擢都指揮僉事

萊州府志卷六

任啓 掖人先任錦衣衛指揮陞後軍都督府同知正統元年鎮守甘肅屢立邊功朝廷倚以爲重

隱逸

漢

蓋公 膠州人善治黃老言曹參為齊相使人厚幣請之既見問所以安集百姓者蓋公曰治道貴清靜而民自定參於是避正堂舍蓋公其治要用黃老術故相齊九年齊國安集大稱賢相

王仲 琅邪不其人隱居不仕好道術明天文文帝時避濟北王興居之難浮海奔樂浪山家焉

逢萌 都昌人家貧為亭長既而嘆曰大丈夫安能為人役哉遂去之長安時王莽殺其子宇萌謂友人曰三綱絕矣不去禍將及人即掛冠都城門攜其家屬浮海客於遼東及光武即位始還勞山累徵不起

禽慶 北海人有節義王莽時去官不仕

徐房 北海人有學術與逢萌友善亦隱遯不仕莽朝

萊州府志卷六

十

晉

劉廠 字長魚高密人立志希古篤學勵行成帝博求異行之士徵為博士廠自陳年老不拜以壽終

宋

趙明叔 膠西人家貧好學性嗜飲州守蘇軾樂與遊明叔醉嘗言曰薄薄酒勝茶湯醜醜婦勝空房軾推而廣之作薄薄酒二章

陳澔 昌邑人博學好古宋末隱居教授學者稱為雲住先生元代宋終身不求仕進有禮記集說行於世

國朝

梁萬斛 平度人長文詞尤美容姿嘉靖初選子弟尚公主僉以斛應詔斛曰大丈夫不能自立俛首惟薄殊可羞也佯狂避之後既廩諸生旋棄去謀生菜傭計值僅糊口餘即還灌夫曰多取以自污非夫也時人目為梁仲子州守周思兼慕其

賢往造焉聞風踰垣周嘆曰梁生不可得而見况可得而屈乎扁以高士

萊州府志卷六

善行

世無全德何況一隅一善足稱紀之示勸

國朝

王士儀 昌邑人邑地北下多雨則無所洩田禾被害甚大儀患之洪武間捐財捨地挑溝洩水北入於海自是水不爲患邑人德之稱爲王老義溝

王聰 字彥達掖人居鄉好義值歲饑嘗煮粥以濟貧民死無所歸者葬之鄉人感其惠後聰由國子生任上林錄事子孫相繼登科

徐聰 昌邑人富於財成化間歲饑聰發粟一千五百石賑之鄉隣貸者稱是後歲稔有償之者聰笑曰事往矣何以償爲輒焚其券一無所受

劉鵬 昌邑人性好施弘治間歲饑餓莩相望有司莫能悉給鵬捐米數百石煮粥朝夕散之所活者幾數百人

鞠能 掖人成化六年歲大饑能出粟助賑有司以聞奉 旨旌表

### 萊州府志卷六

十二

王斌 膠人成化六年山東大饑斌出粟賑濟事聞奉 勅獎諭旌爲義民

郭鑑 掖人成化十八年歲大饑鑑出粟助賑奉 旨旌表

李錦 平度人家貧丐於市偶拾遺袋甚重明旦一人號於途云夜遺一袋貯銀百餘兩錦驗實盡還之略無難色其人願以半謝錦笑曰我貧人勿以相累事聞遠近嘆服

周民 卽墨人如綸父少有才名旣廩諸生會弟賦卒弟婦于又以哀毀歿姪如砥如京皆幼民與妻孫撫之如子訓誨成立二姪與如綸前後俱登科第民亦以是不樂仕進雖勉就貢而終其身布衣蔬食淡如也

王山 高密人寓拒城河嘉靖四年有登州金客過其家遺黃金數十斤山得之卽追之百尺河還之客欲分金以謝山固辭弗受人咸義之

登諸邑舊在萊部而青郡營陵益劇諸邑屬北海故其邑人如管邴劉李輩舊志皆載今旣割入兩郡則其人安所稱東萊產乎而一槩收入取攀附之誚也至

萊與濰以舊屬故祀諸君鄉賢已久則不得不存之耳

萊州府志卷六

僑寓

萊海僻山深饒粟帛魚鹽自昔稱爲樂土其人亦敦厚直諒可與遊故士君子當時否塞多自他邦托處焉餘則憤世嫉俗羈客遷人或以官爲家或擇仁而處要之不失其正焉耳彼其家視六合傳舍宇宙見誠達矣

商

伯夷 孤竹君子兄弟讓國避紂亂居北海之濱在濰縣西南三十里孤山之巔後歸周就養文王及武王伐紂扣馬而諫之首陽山餓死

太公 齊始祖初避紂亂居東海之濱後聞西伯善養老歸之

戰國

魯仲連 齊人嘗遊趙秦圍趙急魏遣新垣衍說趙請帝秦仲連極論帝秦之害秦君聞之遂解平原君欲封之不許壽以千金亦不受曰商賈之事不忍爲也後又說下聊城齊欲爵之仲連逃之海上曰與其富貴而詘於人寧貧賤而輕世肆志

### 萊州府志卷六

十四

焉孔子順答魏安釐王問天下之高士曰世無其人也抑可以爲次其魯仲連乎燕太子 爲質於齊齊人處之北海間在濰縣西南符山左畔有臺四望皆山登眺吟詠殊豁人意中秋尤宜觀月人謂之麓臺秋月父老相傳以爲燕太子讀書臺

漢

田橫 故齊王榮弟嗣立爲王項羽滅與其徒五百人入海島居焉後高祖使人召之未至自刎今稱其所居爲田橫島

公孫弘 字次卿淄川薛人少家貧牧豕北海上在濰縣治西南二十里符山之麓有讀書臺在焉漢武帝時以賢良方正對策擢第一拜博士待詔金馬門歷官丞相封平津侯

趙岐 京兆人爲皮氏長桓帝時常侍唐衡兄玆爲京兆尹欲以舊恨滅諸趙岐因變姓名轉避北海在市賣餅郡人孫嵩異之乃載車後著別田舍藏置複壁中後唐衡兄弟皆死岐方還本郡三府並辟仕至郡守刺史太僕而賓碩亦從此顯名

於東國嵩字賓碩安丘人

鄭玄 其先北海人後徙居高密因家焉

北魏

劉休賓 平原人祖昶從慕容德渡河家于都昌父奉伯仕宋爲北海太守遂家焉  
休賓仕宋至兗州刺史降魏

北齊

楊愔 清河人避難東萊初爲齊高歡行臺右丞從兄幼卿爲岐州刺史以直言忤旨見誅因逃亡棄衣冠於水濱變姓名愔自稱劉士安東入田橫島以講誦爲業後神武知愔存以禮致之累進驃騎大將軍封開封王愔典選二十餘年獎擢人材以爲己任魏齊稱爲名臣

宋

蔡綰 洛陽人爲萊州膠水令因家焉詳宦蹟

### 萊州府志卷六

十五

黃思甫 泗州人宋元祐間徙昌邑太保忠宣公其六世孫也

金

崔世榮 青州人徙居膠東累官昭武大將軍定海軍節度判官登萊二府漢軍都元帥左都監軍

范成進 其先莒人後家濰州詳武功

徒單克寧 其先金源人徙掖家焉詳人物

元

滕傑 其先沛人先遷甯海再徙掖至順間任禮部郎中以忠節清白傳家  
毛鏞 由進士領教職先爲掖人署膠水庠印遂占籍平度

國朝

王廷楊 浙江臨海人洪武初任彰德府學訓導後調萊州府學訓導躬行設教士習丕變秩滿卒於官子孫占籍於掖



黃囊 江西建昌人永樂九年接引漂流舡屢有功歷陞萊州府通判居官清慎吏民愛重任滿復判萊州卒於官子孫占籍於掖

楊茂 四川宜賓人解元登進士以耳疾除萊州府學教授遂家焉

李子昌 滄州人以明經任膠州學訓導從州人楊可久講學遂占籍於膠

列女

士大夫終其身詩書禮樂之府而一臨大難首鼠顧望忍死全生詘要撓臚於異姓以一時榮利易千古惡名世豈少也閨閣者流非有講習無意榮名而能一意所天終身不貳甚者毀容摧體視死如歸是士大夫所難而能易之也謹以載之往牒及聞見既真者表之

漢

貧女王氏 平度州人相傳從夫秦友來築朱毛城負畚鍤裹糧以隨夫亡王乞棺營葬剖心以殉時人哀之築臺祀之下有小姑河沙土至今盡赤世傳爲剖心血痕云

宋

王氏雙女 膠州人靖康中姊妹從母避亂爲虜所獲虜悅其色欲挾以行女給虜曰放母還當從汝虜卽縱母去二女義不肯辱相謂曰我閨閣家女豈爲賊所污

萊州府志卷六

一七

俱投海而死里人壯其節烈收其屍而埋曰雙女塚

金

張氏 濰州人監察御史李英妻元兵至張盡以財物與之猶令上馬曰汝品官妻復爲夫人張曰我死爲李鬼頓坐不起遂見殺追封隴西夫人元英官中丞

樂氏 相琪妻有姿色琪爲萊州府掖縣司吏貞祐三年八月紅襖賊陷掖縣琪與樂氏及子俱爲所得賊見樂悅之殺琪及其子而誘樂樂奮起以頭觸賊而仆罵曰我豈爲犬彘所污者哉賊怒殺之追封西河縣君諡莊潔

盧氏 掖縣解叔道妻叔道早卒盧遺腹生子矢志孝養舅姑歿哀痛踰禮持家清儉不會親屬歲一歸甯而已年八十卒有司上其事旌表

元

岳氏 昌邑縣人呂義妻義早卒岳年甫十八生一子自誓守節撫孤克成至元四年旌表出通志

傳氏 濰州人王大山妻山卒傳哀毀備至子方數歲撫育成立孝事舅姑誓不改節延祐三年旌表其門

鞠氏 濰州人國忠妻忠卒家貧撫育孤子率田僕爲田以養舅姑歿以禮殯葬至正四年旌表其門

周氏 濰州人韓敬甫妻年二十二敬甫卒惟存一孤至十八歲亦卒周守節彌堅至正七年旌表

閻氏 膠州人田順妻二十四歲而寡守節終身事姑舅克盡婦道至正七年旌表其門

王氏 高密人李章妻章故氏年二十六歲貧苦自守終身人無間言皇慶二年旌表

宋氏 卽墨人張約妻婦道甚飭年十九約卒惟有一子氏矢心守志勤紡織教子成立年逾八十卒至正九年勅旌今門坊尙存

### 萊州府志卷六

一八

國朝

谷氏 濟南衛谷指揮女適萊州衛指揮僉事蔡清時年二十七清卒谷哀痛濱死孀居五十餘年足不履中庭言不干外事婦道甚飭

王氏 萊州衛指揮李奉妻年二十四歲奉卒未有嗣王屏去華飾甘心淡泊嫠居五十餘年清節苦行始終如一

周氏 萊州衛千戶孫鎮妻年十八適鎮未及期鎮卒遺腹生子姑欲奪其志周悲泣不食以死自誓養其姑愈恭爲隣里所稱

姜氏 名桂蘭掖人姜漢之女年十五許聘府學生毛樂未娶而樂卒姜聞之卽自痛悼義不他適媒妁有爲儒士王桂林求聘者其父欲許之姜遂自縊而死

毛氏 掖縣人生員高迴之妻迴死氏年十九歲其父架爲立嗣氏杜門不出六十而歿人無間言

劉氏 掖縣人生員宿廓妻廓卒氏年三十歲一孤孑然氏茹苦撫孤至於成立已

子復歿又撫其二孫並幾弱冠五十九歲卒人無間言

王氏 掖縣人舉人趙燦妻燦卒氏方二十九歲即以死自誓撫三孤皆自乳哺至成立內外無不嘉嘆年五十而卒

王氏陶氏 王氏平度州人車勸妻年二十二以夫勸爲青州總管陣亡誓無他志父母親黨憐其貧諷以適人王自守益堅奉養舅姑撫二子文昇文昭俱成立未幾子文昇早亡婦陶氏年二十四守節甚勵父母欲奪而嫁之陶白吾姑何人妾再適人非止辱身且使吾姑將誰養乎甯餓死志弗移洪武三年知州潘中以其事聞勅下旌異之建坊於門題曰雙節婦之門

官氏 平度州人名淡爵妹廉之姑洛陽尹衡任州學訓導聞淡賢爲子章娶之後歸家夫亡遺孤尹鳳尹鸞幼官氏撫摩之與姑處同甘苦遭時歉姑諭之使更適人誓死欲存尹氏二孤屢遭饑饉瀕死操持愈堅後孤成立弘治八年河南藩使者奏旌表其門

## 萊州府志卷六

## 十九

王氏 平度州人竇憲妻年十八歲歸憲六年而憲卒卒日王竊自縊家人救之而甦一女在抱喪除舅姑諭之嫁王誓以必死且泣曰夫死兒亦待死而已甯委溝壑弗忍也舅姑知其不可奪爲置螟蛉子使鞠育之子死攜婦歸依母家度日年八十一而卒鄉人咸以王節婦稱之

楊氏 平度州人李錦妻正德六年流賊劫掠山東楊被執賊欲污之以計脫自投井中賊引去鄰人救之已死良久復甦事聞當道爲之表揚其門

李氏 平度州人崔錦妻年二十孀末期錦客死江南無子訃聞李自縊幾絕而救至既甦涕泣數日欲餓死翁姑乃立伯子九霄爲嗣時諸伯分爨家益陵替獨攜幼子躬織紉以供親養課子讀書長爲郡學生已而九霄亡遺子崙幼弱李仰天大痛曰天何苦我如此也及崙長事李至孝人咸以爲天之報李矣年八十七而卒嘉靖己未侍御段公督學吳公奏表其門

張氏 平度州人王霖妻自幼持身端肅年二十一霖故遺孤三歲泣血成疾幾死

不用醫藥母強之對曰醫必診脉吾手豈可爲人所執由是疾漸愈時繼姑亦孀居有節氏奉姑至孝教子成立工針綉織紡以此資用享年七十有九有司以其事聞巡按御史段題請旌表其門

王氏 平度州人張九皋妻年二十時夫商于外數年不返後屢尋訪始知久歿王氏無子卽棄其所居室歸本生父母家賴其兄弟資養得一螟蛉子以爲後嗣堅苦守貞終其身不出市卒享年七十有司以其事聞旌表之

謝氏 平度州人官熙志妻正德五年六月間夫亡孤子官名重生方百日孀居四十四年艱辛備嘗並無瑕疵可指壽七十二歲而終侍御段公旌其門

蘇氏 平度州人李遜妻年二十一歲夫亡男女俱無守節六十九年無求于人夫所遺產盡付夫之弟姪一毫弗取貧苦終身九十歲亡侍御段旌表

小二姐 平度州人大使孫伯光女年十四歲美姿容鄰居惡少李太朴慕之一日父母往田阻雨朴窺知持刃夜踰垣潛入其室欲污之二姐號泣大詈不從朴以

### 萊州府志卷六

一一〇

絮塞其口露刃強劫女執益堅頭頸已斷而手握中衣牢固不解事聞命所司樹坊旌獎

陳氏 平度州人生員崔澄妻澄病故氏年十九歲遺孤侃纔六閱月氏堅志撫孤守節終身去綺錦重關深鎖不履中庭祇事病姑極盡婦道訓誨兒侃以文成名事聞按院韓獎之

閻氏 平度州人故封丘丞張永禎繼室丞以歲貢授封丘攜家赴任三月卒於官囊橐蕭然閻抱週歲乳子扶襯東歸丞先遺敝廬一間嚮以營襄顧復稚子艱辛萬狀延至五十餘年終始完節有司以其事聞按院趙表其門

何氏 平度州人壽官何銘女適儒生崔冲甫年餘冲歿子女俱無時氏年方十九痛毀哭泣誓以必死翁姑百方勸諭不能回乃以冲弟准子有哲爲冲嗣時有哲方生踰月氏撫如己出至於成立堅心苦守五十餘年終始如一按院奏聞建坊旌表

徐氏 平度州人田家女也歸李三載男襁褓爲業而婦緝織佐之自糊其口兩人相敬如賓有冀缺風已夫病疫徐知不起握手泣曰所不卽從地下者爲襄大事耳俄而犬瞑婦泣斂其夫是夕扁戶自紐其裳蘇蘇泣血以頭懸梁而以手握夫棺其狀極慟但可悼詰旦鄰始覺之事聞知州汪會海碑其事巡按御史姚公旌旗其墓

王氏 昌邑縣人李棟妻正德七年流賊至王攜小兒藏地窖中賊獲欲污之王不從至威以刃王罵不絕口賊怒繫樹上肢解之出通志

馬氏 昌邑人宋錫妻錫卒馬年二十子女各一姑憂之馬嘆曰生而親心有疑何以生爲遂縊其姊驚救得免遂毀裝奩不復爲飾值歲凶貧甚守志愈勵姑得終養子女亦成立鄉人稱之

孫氏女 昌邑縣新伏杜人值流賊亂女隨母避之賊遇迫之上馬女不從賊挽之女躍而下復攜之女復下如是者四賊怒罵女亦怒罵遂肢解之

### 萊州府志卷六

一一一

田氏女 昌邑縣新興社人流賊寇境聞女美徑入其家欲污之不從欲攜之去亦不從欲刃之不忍乃守之三日女罵不絕口賊怒腰斬之

齊氏 昌邑縣人生員張隆妻隆早喪齊以死自誓及子亡一無所依貧窘殊甚所守益堅每拾薪茹蔬終身不易邑人苦之

岳氏 昌邑縣人邢時選妻選病故無嗣岳痛哭不食至三日自縊于柩前鄉士大夫咸高其節知縣馮朝用特吊祭焉

韓氏 昌邑縣人王世臣妻世臣以進士官如皋二載而卒韓悲痛幾死乃守一歲孤後子亦早卒韓孤苦終身按院屢旌其門

劉山女 昌邑縣人山係陰陽生縣差皂役呼之山他適皂役拉手云你父不在你往應之女泣罵曰你敢拉吾手耶因自縊死去于歸之期三日鄉評重其貞烈

杜氏 昌邑縣王東友妻年十七歸王纔四閱月值歲大饑翁姑欲嫁氏爲糊口計氏泣不從有富少年欲娶之翁姑令其相見氏以頭撞地云死卽死耳柰何令人

觀吾面乎迺以死自誓翁姑與父母百計防之後少懈氏潛出投井而死覓之見氏端立井中尸出顏色如生略無曲伏狀邑人壯其烈節而傷之

王氏 濰縣人生員邊汝貞妻年十八歲正德辛未流賊入城徧索婦女諸婦恐懼投出時一賊黨乃汝貞同里人曰何無王氏更嚇之使出不知王氏已自縊氣絕矣賊嘆息而去推官劉信奏聞旌表其門

劉氏 濰縣人靈山衛指揮柳奇妻正德六年爲賊所執欲犯之大罵觸石而死已  
經旌表

黃氏 濰縣人譚文妻年二十二文故無子王自誓守節事姑張氏甚孝始終不變年七十卒

丁氏 濰縣人杜珏妻珏卒家無遺貲止有瘠田數畝丁撫遺孤力田紡織辛苦萬狀後子充邑庠弟子推官劉信具實奏聞旌表其門

魏氏 濰東郭人魏邦治女少端慧不妄出入未笄許配同里譚雍甫之子譚遵詔

### 萊州府志卷六

一一一

爲妻一日遵詔中奇病物故女號天叩地哀毀數絕指心自誓曰吾不識夫謂非其夫可乎願往視喪事父母覘其志決不許令一一女僕日夜防視惟謹比將窆又請往送葬父母亦不許女乃水漿不入口者數日偶見牆罅置鴆鼠藥匍匐取飲之遂仆地不醒醫氏以穢灌之得不死適同里生遣媒來求媾父母欲許之女大憤恚引刃自頸賴乳媪陳氏救之又不死一日給其父母曰兒前誤今當改圖毋久勞諸僕爲也父母信之防少弛遂解帶自縊以死時嘉靖三十四年女一十有八也劉應節爲之傳

劉氏 昌樂縣朱留店人年十七適濰縣固塚社元守俸守俸病卒即欲自盡家人多方防守志不遂愈數月守俸兄守全爲弟治壙完劉往觀之曰美哉佳壙志願畢矣給其婢妾往觀之未反已闔戶縊死

郭氏 濰縣人儒生杜如柏妻自幼循禮不妄舉動十七歲適如柏家歲餘產一男名宜蘭如柏疽發背卒氏矢心必死但恐左右防閑乃從容哭泣以安舅姑心次

日晨炊造美湯捧獻柩前乃給童僕退食因閉門解腰經縊梁上頃之童僕回見懸梁間號呼急救已絕氣矣時萬曆二十六年十一月也年十九歲

姚氏 濰縣人戶科都給事中姚德重女幼端慧不妄言笑長適安丘周生燁燁故貧相與攻苦食澹奉事後姑唯謹周生病且死顧謂氏可自爲計氏飲泣以死矢之生甫斂卽縊於棺側衆覺救免度不得死所伴起視事謬謂守者取姑衣製之守者信之扃戶而死萬曆十五年九月五日也年二十二歲後御史楊光訓上其事旌表其門

石氏 膠州人年十九歲適樂鳳越四載而寡守節終始如一洪武九年旌表其門  
趙錢兒 膠州人年十八歲正德六年流賊剽掠卒至人皆望風奔走趙在室搗衣自如顏色不變一賊突入欲犯之趙怒以衣杵擊賊尋被賊害知州何繼周上其事旌表其門

### 萊州府志卷六

一一三

樂弱蘭 膠州人年十七歲適馬堂正德六年流賊入境弱蘭卒遇羣賊以兵脅之弱蘭抗聲罵不絕口尋被賊害事聞旌表

崔氏 膠州人適靈山衛舍餘唐滸正德中流賊破衛驅羣婦而北崔亦在中崔抗不行遂被害事聞旌表

匡金梅 膠州人庠生王師龍妻師龍因病就醫京都回至興濟病劇身故金梅聞訃以頭觸地而死尋甦哭聲不絕勺水不入口及師龍柩至金梅卽扃戶自縊以殉氏時年二十七

高八姐 膠州人年十八歲適高密縣管二元未踰年二元病故高慟哭泣血絕不飲食誓以死殉家人守之頗密不獲如志卽僵伏柩前晝夜哀毀自是水不入口至七日舌爛聲啞絕氣而死事聞旌表

趙氏 膠州人董學妻學故氏哭不絕聲卽吞石炭以殉夫家救之得不死至二日卽自縊以死氏時年二十歲也事聞旌表

匡氏 膠州人蕭崇先妻氏年十九歲崇先病故氏卽夜縊死事聞旌表



胡氏 膠州人適江西人徐月桂萬曆七年月桂還籍探親中途病故胡聞訃音伏地號泣哭聲不絕即時扃戶自縊身死郡人壯其節

趙氏 膠州人郡庠生紀丕典妻丕典故氏卽夜縊死事聞旌表

李氏 膠州人王山兒妻二十六歲而寡以節自勵敬事姑嫜勤苦蠶績以供衣食撫二子咸底成立有司上其事旌表其門

宋氏 膠州人王一麟妻一麟肄業莊居離家二十里許偶以歸省至碧溝河秋水泛漲過而溺死氏聞幾至痛絕乃迎柩在堂撞頭出血期以死殉諸姒加意守之氏勺水不入於口者三日死而復甦者數四時姑以哭子感疾氏強起侍慰之曰姑食氏食哭請加滄及奉姑稍進飲食氏度可就義乃俟其家人爲夫出脩齋醮自縊死夫靈前一時嘉其節烈事聞旌表

季氏 高密人王三妻正統八年旌表貞節

劉氏 高密人生員宮子隆妻正德六年被流賊執欲犯之不從賊怒砍其背而釋

### 萊州府志卷六

一四

之奉 旨旌表

李慣兒 高密縣人榮昇女正德六年被流賊執曳之馬上不從賊怒以刀斷其髮慣兒憤而卒奉 旨旌表

王喜兒 高密縣人股之女正德六年被流賊執曳之馬上不從賊怒砍之臥瘡數月始痊已奉旌表

雙女 失姓氏正德六年流賊寇高密追欲執之並投張魯河黑墓田灣而死  
一女 失姓氏正德六年賊虜入高密府館女詈罵不已賊怒支解之

李氏 安丘民自然女年十七適高密邑人游豹未一月豹卒女遂自縊家人救之獲免防守甚密越數日伺防守者少懈復縊死嘉靖十四年奉 旨旌表碑誄見

別集

荆氏 高密人監生管嘉祉妻氏年二十五歲夫因病故誓心守節四十餘年並無瑕玷已奉旌表

大江氏 卽墨人舉人張鴻儒妻鴻儒於萬曆辛巳二月臥病氏許以死殉及鴻儒故之日已不食四日矣又越七日餓死柩側節蒙撫按兩院旌獎優恤

小江氏 卽大江氏姪女也生員解應科妻於萬曆壬午三月初應科病故氏至十一日餓死柩側事聞建坊旌表

周氏 卽墨人舉人江湄妻湄病故氏誓以死從九日不食從容餓死柩前屢蒙當道旌揚

董氏 靈山衛唐麟妻正德六年爲賊所執投海死旌表

史氏 靈山衛唐越妻正德六年爲賊所執投海死旌表

方技

語云五穀不熟不如萑稗苟其道可觀於世有稗何愛片楮取之不以其人也  
漢

左伯 字子邑東萊人名與毛弘等能作紙漢興有紙代簡至和帝時蔡倫工爲之  
而子邑尤得其妙故蕭子良答王僧處書云子邑之紙研妙輝光

國朝

吳道行 卽墨人嘉靖間以扶鸞術動 世宗官太常博士時相嵩用事久中外無  
敢言言輒得禍道行假鸞悟世廟嵩遂得罪海內快之張元忭爲之立傳以爲易  
之遇主于巷道行有焉

古蹟

萊雖蕞爾夏周封國六七爲齊以來郡邑迭建秦皇漢武望祀窮年名山大澤賢人君子遊焉瀕海島嶼巖洞之間時有畸人居其上故遺蹟爲多不能詳志志其近真者

掖縣

曲臺城 在縣境內乃唐置縣治

萬里沙祠 在萬歲河漢武帝東巡禱於此

當利城 在縣西南三十六里漢縣治北齊廢隋復置唐省今遺址尙存

沙丘城 在郡東北二十里相傳商紂所築秦始皇崩處

按始皇自會稽至沙丘沙丘臺在順德平鄉境此後人附會

過亭 寒泥子澆封地今不可考

蓮花池 在縣東南四里元李木魯致仕建園圃於此

萊州府志卷六

一七

楊霧溝 在縣西北十二里世傳宋太祖微時嘗避難於此有雲氣如霧故名

望海臺 在縣西北十里相傳秦始皇所築

幸臺 漢武帝嘗遊海上訪安期生幸此臺故名碑刻剝落卽今城南門也掖西南二十里又有幸臺社

燕臺 在城外東北里許南燕慕容德築卽今海山亭是也

蓋石 在縣北五十里臨大海與三山相近有盤石方圓五步上有汗罇狀世傳秦

始皇鑿之以盛酒醢祈祭百神

飲馬池 在縣東七里俗傳宋太祖微行飲馬於此石有馬蹄跡

西由場文廟 在縣北五十里元貞二年膠莒萊運司建今廢遺址尙存翰林脩

撰傳夢弼記

韓信書院 在府城東四十里聖水頭周圍山勢峻拔有丹霞壁三字相傳卽韓信手書又有試劍石

平度州

太子書院 在州東北五十里青山之陽漢膠東王太子讀書處半巖有殘碑不可識

故卽墨城 在州東南六十里乃齊之舊邑戰國時田單拒燕於此漢景帝封膠東康王於此又名康王城遺址尙在

盧鄉城 在州西北五十里漢爲縣北齊廢隋復置康省入昌陽

下密城 在州西五十里膠河西漢宣帝以方士言祠太室山於卽墨又祠三戶山於下密師古註云卽墨下密皆膠東之縣也又爲賈復封膠東時食邑

皇城頂 在大澤山瑞雲峰半巖壘石爲城或云赤眉巖東有石壁題曰香積廚前有大石題曰龍神祠下有龍池

樂毅城 在卽墨故城旁世傳樂毅攻卽墨時所築

康陵院 在州東五十里相傳漢膠東康王葬此劄院

### 萊州府志卷六

一一八

劈石口 在天柱山之西麓一石龕如屋在東刻浮屠像一石壁立於西刻天柱銘于其上

蓮花池 在州北三里昔康王賞蓮處世傳榮枯不常花盛則人材亦盛

仙人臺 在州東北五十里青山下列仙傳膠東公沙宿飲白鶴泉得仙常遊石臺之上卽此其臺四絕今不可登陟

昌邑縣

都昌古城 在縣治西今城乃古城東南隅齊景公封晏子以都昌辭而不受卽此

昌邑故城 在縣西北本宋置縣治地理志謂漢景帝分梁爲山陽國武帝更爲昌邑國其地金鄉縣又一昌邑云

密鄉城 在縣東南十五里春秋隱公二年紀子莒子盟於密卽此地水經註云濰水又東北經下密縣故城西城東有密埠漢書云漢宣祀三戶山於下密今故城西爲濰水東爲密埠又東爲三戶山則密鄉似卽下密城矣

營城 在城南五里有大營城城北五里有小營城豈孔北海與黃巾相拒屯兵遺跡耶出齊乘今城址俱亡惟有大營小營二村

遇仙園 在縣東南三十里金武略將軍李頤真舊宅按碑記頤真居昌邑南青石山前養恬守素名其園曰歲寒菴曰守休明昌乙卯值劉長生過遂題今名

鄆城 在縣西北海濱三十里左傳莊公元年齊師遷紀于鄆城卽此俗呼爲瓦城四知臺 在縣古城西北爲楊震却金立

梳洗臺 在縣南五里濰水西岸始建無攷

伯牛埠 在縣西北十里又東子騫埠古有閔子祠今名三埠南有子游池今曰蓮花陂竝見寰宇記三埠者蓋亦三賢之意但未詳所始

甘棠鄉 漢屬北海國左傳襄公六年圍棠卽此地今縣南八里有甘棠社

鄭公鄉 漢屬北海高密縣後改屬昌邑縣北海相孔融爲鄭玄名其門曰通德土人因門建祀焉今縣南一百二十里有鄭公社卽其地祠猶存縣於八月祭

## 萊州府志卷六

一一九

濰縣

營丘城 縣南三十里臨淄亦有皆云齊封處未知孰是

平壽城 在縣西南三十里漢置縣隋廢

麓臺 在縣西南二十里漢公孫弘讀書於此

釣魚臺 在濰縣東南五十里云太公釣魚處臺畔棘皆直磯石尙存卽墨北六十里沽水上亦有臺云太公居東海釣魚處

布袋眞儀石刻 在石佛寺蘇軾題曰熙甯間畫工崔白示余布袋眞儀其筆清而尤古妙乃過吳矣手書石刻今存

寒亭 在縣東北三十里古寒國泥封此

樹亭 在縣西北五十里古樹鄆國也

膠州

介根城 在州西南五里左傳齊侯伐莒侵介根卽此漢置計斤縣

被城 在州西南七十里乃漢時被縣

長城 在州南七十里齊記云宣王乘山嶺築長城東至海西至濟州千余里以備

楚

韓信道 在州西北二十里信假道於柏欄將軍追田橫於即墨故名

介亭 在州南七十里黔陬故介國也

葛盧尤涉亭 在州西南五里計斤城計斤舊名介根春秋葛盧君之封國也

迴車嶺 在州西南十一里孔子適齊東觀滄海至此迴車故名

膠西廢縣 在膠州城外隋所置後廢

濯硯泉 在州西北七里昔漢儒庸生談經濯硯入泉故名

高密縣

龍且城 在縣西南五十里楚將龍且所築

夷安城 在縣北三十五里故萊夷濰邑漢置夷安縣即此

### 萊州府志卷六

三〇

城陰城 在縣西南四十里漢鄭玄記云古高密即此

黔陬城 在縣南六十里故介國漢爲黔陬縣遺址尚存

朱晏城 在縣東南三十里即晏平仲食邑

舊土城 在縣西北一里相傳即高密故城唐置

高陽城 在縣西北三十里漢置縣成帝封淮陽王孫並爲高陽侯即此屬瑯邪郡

稻城 在縣西南五十里漢武帝封齊孝王定爲稻侯即此

韓信溝 在縣西五十里韓信下齊相齊北地有王氣於是鑿溝以泄之

涼臺 在縣西南五十里齊王避暑於此故名今建寺於上

即墨縣

粥熟城 在縣東南八里許舊址尚存

不其城 在縣西南二十七里故址尚存

臯虞城 在縣東五十里膠東王子建封于此故址尚存

壯武城 在縣西六十里漢置縣屬膠東國

貧女臺 在縣西北平度界相傳有王氏女者從夫秦友築朱毛城荷畚鍤裹糧以

隨既而夫亡女貧甚不能葬乃乞棺斂之葬畢剖心以殉時人哀之爲立祠臺上

起仙臺 在縣南七十里相傳有道士於此仙去故名

聚仙臺 在縣南八十里相傳八仙渡海圍棋於此臺上有白石分布堅瑩異常爲

仙人坐次每春至臺草先綠又謂之先春臺人多遊眺焉

釣臺 見濰縣釣魚台台畔多瓦礫似舊有室廬於其上相傳太公居東海釣魚處

或曰瓦礫蓋太公廟址也世傳濰太公堂爲太公所居似非濰北海也卽墨偏東

此台或太公遺蹟

渴掘泉 在縣東三十里世傳宋太祖過此渴甚用杖掘地得泉

舞旌埠 在縣東五里相傳田單復齊舞旌於此



墳墓

其人與骨已朽矣今指其墓而稱之曰某也賢某也不如分黑白無百年人有年墓士君子貴自樹矣

掖縣

元

劉長生墓 在縣東二十里靈虛宮後

王慶墓 在縣南三里有碑記泰定五年葬贈奉訓大夫甯海州知州飛騎尉追

封掖縣男

樂石墓 在縣南四十里至正二年葬有碑記

劉進墓 在縣西十里贈亞中大夫東平路總管碑殘

九胎十八子墓 在城西五十里

國朝

萊州府志卷六

贈少保毛敏墓 在縣西五里祿山有碑記

少保大學士毛紀墓 在縣西五里祿山有碑記

贈吏部尚書趙惠墓 在縣北三里

太僕卿毛渠墓 在縣西四里祿山東

侍郎侯東萊墓 在縣北五里

都御史劉祐墓 在縣南二十五里

平度州

周

甯戚墓 在州西六十里有雙松盤踞蒼鬱望之挺然

漢

膠東康王墓 在州東五十里靈臺山下

康王公主墓 在青山上有太子讀書堂碑文殘缺

唐 弘農令公沙穆墓 在州北公沙陰

將軍王君适墓 在州西關外隨太宗征遼歿於此

宋 蔡文忠公墓 在州北九里大路側

金 蔡相冢 在州西北金尚書右丞相蔡松年墓

元 侍郎王伯英墓 在州北二里

任特進忠義校尉墓 在州西北二里

國朝 侍郎侯庸墓 在州西二里

### 萊州府志卷六

三三三

昌邑縣

周

逢丑父墳 齊頃公時晉伐齊丑父脫頃公於難今其墳在縣南五里記謂丑父食邑都昌故墳在此

國朝

黃少保墓 在縣西三里

工部侍郎譚溥墓 在縣東五里

贈都御史孫恕墓 在縣南三里

都御史孫洪墓 在縣南三里

都御史馮續墓 在縣東二十里

都御史翟瓚墓 在縣東二里

兵部侍郎葛縉墓 在縣西二里

大理寺卿邢尙簡墓 在縣西

濰縣

漢

逢萌墓 在營丘古城縣西三十里有碑記題曰漢隱士逢公之墓

三國

徐幹墓 在城東五十里俗呼爲博士塚

孝子王哀墓 在縣南四十里碑文剝落一在昌樂

金

膠西郡王苑成進墓 在縣西北三里

國朝

刑部尙書劉應節墓 在城西南一里許

膠州

### 萊州府志卷六

三四

秦

柏欄將軍墓 在州北二十里柏欄社

漢

婁敬墓 在州西南三十里房溝社舊有祠

庸生墓 名譚在州西北七里

晉

張司空墓 在州南五里計斤社土人相傳以爲晉張華墓不知華墓何以在此

宋

王氏雙烈塚 在州南七里靖康間王氏姊妹爲賊所虜俱投海死鄉人收其屍

埋之曰雙女塚前有祠

國朝

中書左丞殷哲墓 在州南五十里

都御史韓福墓 在州北二十里時家莊社碧溝河南

刑部侍郎崔衍墓 在州東南半里許

高密縣

周

晏平仲墓 在縣南三十里一在臨淄

漢

龍且墓 在縣西四十里

岑彭墓 在縣西南四十里

鄭玄墓 在縣西北五十里

宋

贈洗馬耿峻墓 在縣西三十里

三黨墓 在縣東十里不知何許人見故志

### 萊州府志卷六

三五

國朝

禮部侍郎贈太子少師儀智墓 在縣西南五里

兵部尚書儀銘墓 在縣西南五里

侍郎戴綸墓 在縣東十里

兵部侍郎贈兵部尚書李介墓 在縣東五里

兵部侍郎李昆墓 在縣東五里

卽墨縣

漢天子塚 在縣西南俗傳爲漢武陵

義士塚 在縣東一百里田橫島中世傳爲五百義士塚

韓信母墓 在縣南三十里

王吉墓 在縣東五十里子駿京兆孫崇司空祔

房鳳墓 在縣南二十里不其城北

童恢墓 在縣東南二十五里碑器存

唐

華蓋劉仙人墓 在縣東北一里杜甫詩昔謁華蓋君卽此年久不培而固牛羊  
狐兔不入其中土人以事禱多應

金

尙書孫仁傑墓 在縣西北二里碑器俱存

國朝

順天府尹唐珪墓 在縣東南一里

工部侍郎藍章墓 在縣北五里

寺觀 仙釋附

柱下道德西土覺空吾儒所不道然神道設教足勸羣萌遊惰有歸可消他念亦聖世所不廢也故併其居與人見之

掖縣

資聖寺 在城西南里許金大定間建後殿有石刻臥佛俗名臥佛寺萬曆五年邑人劉祜修僧綱司附

妙覺寺 在縣城東南二里元中統五年建萬曆十六年邑人董用威脩

廣嚴寺 在縣西二十五里大定二十三年建

法雲寺 在縣西五十里大定年重修

明寶寺 在縣西五十里至正十六年重修

釋迦寺 在縣東五十里至正元年修

上寺 在縣南四十里

萊州府志卷六

三七

觀音禪院 在縣東六十里延佑三年重修

青羅觀 在縣治南元時國戚黃姑學道之所後爲真人丘處機道場賜名迎祥

觀今爲青羅觀習儀之所道紀司附

先天觀 在大基山正統中重修胡濬記

逍遙菴 在縣東南七里

萬壽宮 在縣東南神山下元至治間建

靈虛宮 在縣東二十里俗名武官觀相傳劉真人修道于此

平度州

圓明寺 在州治西南創於唐爲普救院大定間賜額曰圓明元貞元年重修今爲習儀所僧正司附

太平教寺 在州東三十里元貞元年建

神靈寺 在州東五十里宋熙寧三年建

延慶寺 在州西四十里元大統三年建

智藏寺 在州城東北大澤山內金明昌七年建

感應院 在州西北宋熙寧二年建

龍興院 在州東四十里元至正元年建

禪窟院 在州東五十里唐崇甯三年建

大雲院 在州東五十里元至正七年建

興福院 在州東六十里元泰定四年建

隆興院 在州西二十里元大德九年建

大明院 在州西二十里元至正三年建

興國院 在州西六十里元泰定二年建

崇福院 在州西六十里元泰定四年建

寶泉院 在州西北四十里元泰定十年建

萊州府志卷六

彌勒院 在州北四十里元至正九年建

洪雲院 在州北五十里元泰定十年建

聖安院 在州東北六十里元貞二年建

崇德宮 在州城東元貞二年建道正司附

德真觀 在縣治東元至元間建見通志

雲臺觀 在州東四里唐開元二年建

盤石觀 在州東五十里元至正二年建

雲山觀 在州東北五十里元至正元年建

古現觀 在州東六十里元貞三年建

昌邑縣

崇聖寺 在縣治東洪武初增修萬曆六年邑人葛縉重修今為僧會司

崇福寺 在縣南十里至元二十八年建洪武十五年重修

大悲禪寺 在縣東南三十里洪武二十八年重修

寶林寺 在縣東南六十里洪武十八年修

觀音院 在縣西北十里洪武初年脩

慶壽院 在縣西北十五里洪武年間修

慈雲院 在縣東北二十里洪武初年修

興福院 在縣東二十五里洪武初年修

青龍院 在縣北三十里洪武初年修

龍興院 在縣東北五十里洪武初年修

玉真宮 在縣西北一里金太和八年建洪武十五年修永樂十五年重修今為

道會司

栖真觀 在縣東元至元三年建

濰縣

### 萊州府志卷六

觀法寺 在縣治東北漢明帝十年建

石佛寺 在縣治東南宋咸平二年建洪武初年脩僧會司附今為習儀所

崇甯寺 在縣東南三十里元中統二年建

松岩寺 在縣東北五十里元至正三年建

興復院 在縣南二十里宋祥符五年建

天仙宮 在縣治南元至正二年益都路道門提點張志功建

玉清宮 在縣東北元至正三年建洪武間修道會司附

膠州

慈雲寺 在州治西唐大順元年建

清涼寺 唐大順二年建

洪福寺 在州治南元至正六年建僧正司附

崇興寺 在州北三十里元至大元年建



茂林寺 在州南四十里北齊時建

黔陬寺 在州西南七十里元泰定二年建

玉泉寺 在州南九十里元泰定五年建

普明院 宋慶元五年建

福勝院 在州南三十里唐大順二年建

太微觀 在州南二里宋德佑元年建道正司附

碧雲菴 見松山

高密縣

感化寺 在縣治東北洪武間修僧會司附

龍岩寺 在縣南四十里景泰二年修

石佛寺 在縣西六十里景泰元年修

迎祥觀 在縣東半里道會司附

萊州府志卷六

即墨縣

興國寺 在縣治東元至正元年建

慶成寺 在東門外元泰定元年建爲河水衝激嘉靖十年移北百步許今習儀

於此僧會司附

觀音寺 在西關元至正二年建

淮涉寺 在縣南元泰正二年建

法海寺 在縣南三十里

海印寺 在下清宮萬曆七年僧德清建尋爲道士奏拆毀遺址尙存經佛移慶

成寺

白佛寺二 一在縣北二十里一在縣南六十里

長直寺 在縣西北三十里元延祐二年建

什福寺二 一在縣南二十里一在縣西七十里

慧炬院 在縣南三十里

天宮院三 一在縣北五十里一在縣西北六十里一在縣西六十里

通真宮 在縣東皇慶二年建

高真宮 在東關外晉太安元年建

寓仙宮 在縣南三十里元至元二十一年建

黃石宮 在縣南四十里有黃石草堂

上清宮 在縣南七十里

下清宮 在縣南七十里

華樓宮 元泰定二年建

清虛觀 在縣南四十里元至大三年建

迎真觀 在縣南元元統年建道會司附

修真菴 在縣東皇慶二年建

萊州府志卷六

百福菴 在縣東南二十里宋宣和年建

靈山衛

石門寺 在衛城西南

朝陽寺 在衛城西北

新安寺 在衛城北

鰲山衛

高虞院 在衛城北二十里

大任觀 在衛城西北五里

仙釋

漢

王和平 北海人性好道術濟南孫邕事之從至京師和平病卒邕葬之東陶書卷藥囊悉以從後弟子夏榮言其尸解邕始恨不取其寶書仙藥

晉

陳仲舉 膠州人學黃老術辟穀隱大珠山石室時人莫知歲數黃髮童顏後周游四方不知所終

魏

鄭文公 金昌明問劉國樞記云大基道士谷鄭文公得道之處文公由此仙蛻丹竈碁局印石宛然大基掖山

唐

明淨 高密人少出家遊天台日至村中化食回值羣虎皆開口閉目若饑狀明淨

萊州府志卷六

四二

以匙抄飯納口明日求食回虎又如前人皆異之嘗歲旱祈雨有應後莫知所終  
五代

樂正子長 嘗遇仙於鰲山授以方術年百八十顏色不衰登勞山仙去

華蓋真人 姓劉氏蜀人寓居勞山龐眉皓髮面如渥丹不自知其年敝衣掩形冬夏不冠履不爐不扇一夕端坐而化神色自若至晚視之止遺軀殼若蟬蛻其徒擇地葬之見陵墓

宋

徐問真 濰州人有道術與歐陽修善一日求去甚力修留之不可曰我友罪我與公卿遊修使人送之果有鉄冠丈者長八尺餘俟于道旁嘗教修引氣愈足疾蘇軾試之亦驗

金

李頤真 武略將軍居昌邑南青石山前得仙術養恬守素名其園曰歲寒明昌己

卯劉長生題曰遇仙園

丘長春 名處機海上七真之一嘗雲游訪道至勞山見其奇秀遂棲養久之

劉長生 掖人少爲屠酤酒一旦頓悟真學晝寢夢壁上有詩云武官養性真仙地

須有長生不死人又遇純陽真人於衆人中招之曰若憶夢中詩否長生大悟遂

執弟子禮純陽賜之詩曰釣罷歸來又見鰲已知有分到仙曹招呼悟得玄中意

躍出洪波萬丈高明昌丙申長生自洛陽還大有所契後歿舉棺甚輕人以爲仙

蛻云

披雲真人 十二從劉長生脫俗天性敏慧道行淑真開馬鞍山一洞神山七洞還

終南山羽化而去有偈云喝散迷雲驅回宿霧萬法無私千峯獨步其徒以事聞

贈披雲真人

范常真 丘長春弟子隱平度盤石山能馴猛獸人稱爲狼范後尸解去

元

## 萊州府志卷六

四三

僧一庵 懷來人元末避亂遼東觀萊有秀氣遂適大澤山中坐乳泉石夜有虎守

臥圓寂預作偈曰生本無生滅本無滅太空浮雲紅爐點雪人傳以爲異

劉志堅 故以掌鷹房事永昌王故稱劉使臣後棄家入道隱於勞山久之天光內

映或知休咎一日辭道衆而逝葬華樓上稱劉使臣墓

本朝

麻衣趙 其名不傳冬夏恆衣麻隱膠州大珠山石室辟穀得仙其門上勒朝陽菴

三字至今人呼先生菴

去留馨 相傳姓范勝國時人自幼靈秀好遊遇道人授以辟穀導引之術既長絕

不飲食身輕如槁葉行住處異香襲人自號去留馨歌舞於市不以言笑假人

國朝洪武間乘雲上昇膠州屢年豐稔

釋繼達 姓田氏號素菴通禪理善賦詩守戒行永樂中妖賊唐賽兒聞其名不入

膠州境臨終作偈趺坐而化

李真人 不知何許人在雲臺觀脩養日久後坐化于石岩下二十餘年皮骨不朽  
尚書趙煥題曰李真人蟬蛻處雲臺觀在平度州東四里

災祥

傳以災異爲天心仁愛人君然昔賢守令曝身掩骼靈雨應期蓋分土分民者亦與有責而匹夫匹婦一念善惡往往與天地感通則災祥毋乃與其地人事相符故自漢以來災祥有關於萊皆書焉其時事亦因可考也

漢

景帝二年九月膠東下密人年七十餘生角角有毛

七年十一月庚寅晦日食在虛九度

宣帝本始元年五月鳳凰集膠東

四年五月鳳凰集北海

元帝初元二年北海水溢流殺人民

成帝永始元年春北海出大魚長六丈高一丈凡四枚九月黑龍見東萊

哀帝建平三年東萊出大魚長八丈一尺凡七枚

萊州府志卷六

四五

章帝建初二年北海得一角獸大如麕

安帝元初二年十一月己亥客星見在虛危南至胃

質帝本初元年五月海水溢北海都昌溺殺人物

靈帝熹平二年東萊海出大魚二枚長八九丈高二丈餘是年六月東萊北海海水

溢出漂沒人物

六年冬十月東萊大雷

光和五年冬十月木火金合於虛相去各五寸如連珠

六年冬大寒北海東萊井中冰厚尺餘

中平四年十二月晦東萊雨水大雷電雹

晉

惠帝永寧元年十月北海青蟲食禾葉

二年十一月熒惑太白闕于虛危

成帝咸康五年四月辛未月犯歲星在胃

穆帝永和八年十二月太白犯熒惑于胃

孝武帝太元十一年六月甲午歲星書見在胃

十三年十一月辰星入月在危

二十一年二月太白晝見于胃

安帝義熙二年十二月丙午月掩太白在危

南宋

武帝永初二年二月赤鳥六見北海都昌

文帝元嘉二十二年白兔見東萊當利

二十七年十月己丑嘉禾生北海

孝武帝孝建二年九月禾連理生都昌

大明元年六月庚子白兔見卽墨獲以獻

### 萊州府志卷六

四六

秋七月丁丑白麀見曲成獲以獻

三年九月乙亥嘉禾生北海都昌

六年八月辛未白兔見北海

明帝泰始三年五月己卯白麀見北海都昌

東魏

孝靜帝武定八年三月甲午歲鎮太白在虛熒惑又從而入之四星聚焉

周

武帝建德三年十一月丙子歲星與太白相犯光芒相及在危 十二月月犯歲星在危相去二寸

隋

文帝開皇十四年十一月癸未有彗星孛于虛危

唐

太宗貞觀六年正月乙卯朔日食在虛九度

二十一年八月萊州螟

文宗開成二年二月有彗出于危長七尺餘西指南斗戊申在危西南芒耀甚盛

昭宗乾甯三年有客星三一大二小在虛危間乍合乍離相隨東行狀如鬪經三日而二小星沒其大星後沒

僖宗文德元年三月戊戌朔日食在胃一度

五代唐

莊宗同光二年九月卽墨李夢徵室內柱上生芝草二本明宗長興三年卽墨王友

家生芝草一本三枝分兩岐上漸相向成片而圓高尺餘

末帝清泰三年九月己丑彗出虛危長尺餘

宋

太祖建隆元年正月甲子太白犯熒惑于婁

### 萊州府志卷六

四七

太宗太平興國五年七月濰州好舫蟲食稼殆盡

端拱二年萊旱甚民多饑死詔發倉粟貸之人五斗

真宗咸平四年濰州獻芝草一本如佛狀

景德二年十一月壬子有星出胃南聲如雷光燭地

三年五月丁酉有星出胃北人天困迸爲數星光燭地

仁宗皇佑元年二月丁卯彗出虛晨見東方西南指歷紫微至婁凡一百一十四日而沒

哲宗元祐七年五月濰州北海縣蠶自織如絹成領帶

高宗紹興十六年十二月戊戌彗出西南危宿

甯宗嘉定十年二月庚申地震自東南越月虜犯光州

度宗咸淳五年春正月申戌萊大水

六年三月萊旱蝗



元

世祖至元二十五年七月膠州大水民採橡為食

二十九年五月濰州北海縣有蟲食桑葉盡無蠶

三十一年四月即墨縣雨雹

成宗大德五年十月辛卯夜有流星大如杯色赤尾長丈餘光燭地自北起近東徐

徐而行分為二星前大後小相離尺餘沒於危

英宗至治元年膠州饑

泰定帝泰定四年十二月膠西等縣蝗

文宗至順元年膠州饑

順帝至元五年膠州濰州饑

至正三年十二月膠州及屬邑高密地震

四年夏膠州高密縣旱

### 萊州府志卷六

四八

六年二月濰州北海縣膠州即墨縣地震

七年二月濰州之昌邑膠州之高密地震

八年六月膠州高密縣大水

九年春膠州大饑人相食

十九年濰州膠州蝗食禾稼草木俱盡所至蔽日礙人馬不能行填坑塹皆盈饑

民捕蝗以為食或曝乾而積之又罄則人相食

二十二年二月己酉彗星見於危宿光芒長丈餘色青白

夏四月丙子朔長星見其形如練長數十丈在虛危之間後四十餘日乃滅

六月膠水縣好舫生七月掖縣好舫生害稼

國朝

洪武初高密縣東十里遍產苓芝

二十四年即墨蝗大饑

永樂十六年高密產紫芝三十五本

天順八年卽墨大饑

成化六年掖膠大饑

八年掖濰卽墨大饑昌邑尤甚人相食

十七年平度大饑人相食

十八年高密大饑

弘治五年昌邑大旱

正德三年昌邑大饑

是年卽墨有年

七年濰黑眚見

嘉靖三年平度大饑

七年平度大旱蝗

萊州府志卷六

八年平度復旱蝗

是年卽墨大有年

十一年卽墨飛蝗蔽日大傷禾稼

十二年濰飛蝗爲災食禾稼殆盡

十六年七月昌邑淫雨濰水潰溢突入城中壞民廬舍

十七年平度麥菽不登斗粟銀二錢

是年昌邑大饑民食草子饑殍相望 高密大饑

十八年掖卽墨大饑

二十年卽墨有年

二十七年昌邑辛營李家園產紫芝二本

三十九年卽墨大水河泛至城

四十三年昌邑飛蝗蔽天食田禾殆盡

隆慶二年昌邑地微震二次 麥兩歧有年

三年掖平膠昌濰大水昌邑尤甚民大饑  
萬曆七年卽墨麥兩歧

十一年秋七月掖大腥霧殺禾稼木盡脫九月復華

冬十二月昌邑雷

十二年春掖地震大饑其秋大稔

是歲卽墨饑 昌邑地大震 濰河決

十三年夏六月朔掖雨雹大如拳

十四年六月二十八日平度大水平地三尺傷田廬

十六年六月昌邑地震

十九年春三月掖大雨雪木盡脫

二十一年春膠州旱秋大雨滄沒民田殆盡

### 萊州府志卷六

五〇

夏雷擊殺掖民吳過夫婦

是年高密卽墨大水

是年平度濰淫雨四十餘日田禾盡沒

二十二年春掖平度膠昌邑濰高卽墨大饑人相食昌邑尤甚

二十五年掖嶼 濰大水地震

二十八年夏四月十五日濰雨雹大如鵝卵平地尺餘人畜遇之多死傷 秋膠

大雨雹

是年平度昌邑大風壞民廬舍大木盡折至捲掃石臼數里外

三十年夏郡城西池並頭蓮生

三十一年夏掖平度嘉禾生

萊之人與官於萊者其賢者夫既得而傳之矣間有一二不類昭昭史冊嘖嘖人言吾安能爲之諱乎至若事本不經而實有之理所必無而人有言之則姑存之稗官程史固不嫌於刺刺也

漢

樂大 膠東宮人故嘗與文成將軍同師已而爲膠東王尙方因樂成侯求見武帝帝既誅文成惜其方不盡及見大大說大敢爲大言曰臣嘗往來海上見安期羨門之屬臣之師曰黃金可成而河決可塞不死之藥可得僊人可致也然臣恐效文成則方士皆奄口惡敢言方哉上曰文成食馬肝死耳子誠能修其方我何愛乎於是上使驗小方鬪棋棋自相觸擊是時上方憂河決而黃金不就乃拜大爲五利將軍封樂通侯又以衛長公主妻之齎金萬斤更命其邑曰當利公主天子親如五利之第使者存問供給相屬於道自大主將相以下皆置酒其家獻遺之

萊州府志卷六

五一

帝又刻玉印曰天道將軍使使衣羽衣夜立白茅上五利將軍亦衣羽衣夜立白茅上受印以示不臣也佩天道者且爲天子道天神也於是五利常夜祠其家欲以下神神未至而百鬼集矣然頗能使之其後治裝行東入海求其師帝使人隨驗實毋所見其方盡多不讎坐誣罔腰斬

陳萬年 沛郡人宣帝時爲北海太守以殺伐立威豪猾吏及大姓犯法輒論輸府歲至絞死者數百千人調發屬縣食物以自奉養操持掾吏皆令閉門自斂不得踰法下吏甚畏之

張步 不其人漢兵起步亦聚衆數千劉永拜步輔漢大將軍督青徐二州遣將狗泰山東萊膠東北海濟南諸郡皆下之光武拜爲東萊太守劉永立爲齊王步受永命以其將費邑爲濟南王屯歷下大將軍耿弇攻破之後降漢復謀叛爲瑯琊太守陳俊所斬

晉

王彌 東萊人祖頌魏玄菟太守彌有材幹博涉書記惠帝末聚徒海濱爲賊弓馬  
迅捷膂力過人青齊號爲飛豹多殺守令有衆數萬後歸劉元海署司隸校尉同  
劉曜石勒攻陷宮城逼辱皇后殺皇太子百官及男女遇害者三萬人遷帝平陽  
後爲勒所殺

蘇峻 字子高長廣掖人永嘉之亂峻糾合數千家結壘於縣元帝假峻安集將軍  
太甯初更除臨淮內史又以破王敦功加散騎常侍峻志在立功不欲內補時護  
軍庾亮徵峻爲大司徒峻疑亮欲害己乞補青州荒郡不許乃謀亂以討亮爲名  
次于京口遂陷宮城殘酷無道後溫嶠陶侃倡義兵破斬之

宋

徐文 掖人徙膠水少有勇力隸王龍圖麾下爲承信郎高宗渡江召文用之以功  
遷淮東浙西沿海水軍都統制後與大將閻皋有隙復叛宋率戰艦數十艘泛海  
歸劉豫以策干豫欲自海道襲臨安豫不能用後爲金將數率兵攻宋

## 萊州府志卷六

五二

文身爲宋將食祿有年大將見嫌人臣之義待命可也而率衆渡海委身叛臣再  
事女真數爲宋患無一節可取者不知故志何以稱於人物故特外之

李全 濰州北海人銳頭蠡目有權譎人號爲李鐵鎗妻楊狡悍善騎射全與仲兄  
福聚衆數千行劫宋以高忠皎集民兵全歸宋襲金莒州取之兄福亦克青州宋  
以全爲京東路總管後被元兵圍於青州遂降之元以爲山東行省全還楚遣軍  
士穆椿入臨安皇城縱火焚御前軍器庫欲以銷宋兵備仍入據鹽城朝廷乃授  
節鉞令釋兵全不受制命反寇揚州趙范趙葵會師擊敗之全陷新塘爲羣卒所  
磔

志異

聞牛知音 春秋時介葛盧朝魯聞牛鳴曰是生三犧皆用之矣其音云問之而信  
蔡齊夢兆 祥符八年策進士真宗夢一菜與殿基齊及揭榜狀元乃蔡齊也上喜  
謂寇準曰得人矣見齊傳

貴困女厲 宋王俊民萊州人嘉祐六年狀元釋褐廷尉評簽書徐州節度判官明年充南京考試官忽謂監試官曰門外喧噪詎我視之無有也如是者三四少時又曰有人持檄逮我乃取案上小刀自刺左右救之不甚傷卽歸醫治踰旬創愈但精神恍惚如失心家者人聞嵩山道士梁宗朴善制鬼迎至乃符召爲厲者夢一女子至自言爲王所害已訴于天俾我取償道士知術無所施遂去旬餘王亦卒人謂王未第時家有婢不順使令排墜井中又云王向在里閭與一倡妓私約俟登第娶焉旣登第就媾他族妓聞之忿恚自殺故爲女厲所困竟至天死

三山陸蒼 傅敞字次張濰州人爲士子時以紹興二十年過吳江縱步塔院見僧房東室有殯宮問爲誰僧云數歲前知縣館客身故聞其家在福建無力歸窆因權厝于此敞憐之是夜夢儒冠人持名紙來見曰三山陸蒼自斃蹤跡與僧言同將退拱手曰旅魂棲泊無依君其念我明旦敞以告邑宰遂遷葬于官地至七月敞赴試寓西湖小刹復夢陸生來再三致謝且云舉場三日題目蒼悉知謹奉告

## 萊州府志卷六

五三

宜勿泄敞寤而精思屬藁泊應試盡如其夢於是高揭薦名

小珠遺卵 膠有山曰小珠雙峰嵯峨高入雲際中間一水清泚可鑿爲團頂智金正隆三年秋雨民行山隈至智側見一卵在地可盛粟二石斑爛光彩異而觀之乃刈葛藟絆縛昇下山舉村來觀數少年攫取而去卽煮食之後旬日颶風夜作震撼天宇居者百餘家爲風掀舉躋于山巔旋落團頂畔少年食卵者撲死餘老弱千計皆無所傷敗瓦朽木至今猶存

李寶禱神 宋高宗命副總管李寶督海州捍禦金兵寶至石臼島敵舟已泊陳島相距僅一山時北風勢盛寶禱於石臼神俄有風自艫樓中來如鍾聲衆咸奮起引舟握刃待戰風駛舟疾過山薄虜寶命火箭環射延燒敵樓百艘叱壯士躍登其舟短兵擊刺殺溺者甚衆至今有石臼泊在焉

坑肉兆變 萊州卽墨縣王豐兄弟三人豐不信方位所忌嘗於太歲上掘坑見一肉塊大如斗蠕蠕而動遂填其坑隨填而出豐懼棄之經宿肉長塞于庭兄弟奴

婢俱暴卒惟一女子存焉

縣令遣狐 金明昌間卽墨常見白狐率羣狐戲公署側及胡嵩爲令有惠政偶獵戶獻豹適小女提豹玩弄語獵戶曰汝何不射後園狐獵戶諾之是夜午後小女忽昏眩狂跳如風癩日以爲常家人訊之女曰我前語獵戶射狐狐令我病耳嵩知之以紙硃書曰汝之爲物吾已知汝汝若避吾吾其免汝令女珮之是日果不病明旦有人見白狐率羣狐下城向東北去其怪遂絕

眞武顯像 眞武廟舊在卽墨縣西北故壘上元中統間有軍官解萬戶鎮守是邑以斯廟有防關要因去之以致儀像暴露至元二年春萬戶庭黑風旋繞龜蛇顯像萬戶叩頭謝罪乃漸息因於東北城上經營廟宇補塑聖像自是奇恠之物無復顯著

小珠授書 相傳紀公道者不知何許人有仙術隱於小珠之白雲菴遇忠武公薛祿於微時大奇之遂授以兵法韜鈴之書公以此爲靖難名臣與子房受書圯上

## 萊州府志卷六

五四

老人蓋相類後莫知所之

三丰耐凍 永樂間張三丰隱青州雲門洞修煉嘗遊勞山下居民蘇現每禮敬之邑中原無耐凍三丰自海島中攜取一株植現庭前雖隆冬嚴雪葉色愈翠正月卽花蕃豔可愛今近二百年柯幹大小如初或有分其蘖株而別植之未有生者勞山八仙墩有懸崖亦倒垂耐凍一株葉拂水上

曹令禁蛙 卽墨縣治垣東隅有洿池遇秋灌溢蛙亂鳴沸大紊聽斷知縣曹用硃書數字墜水中其蛙遂絕抵今弗生

一正祈雨 天順間楊一正於山中得祈禱異書每遇旱請禱者不令置壇但書霹靂二字於役人手中令其急握聞之卽雷轟雨霈凡所刻之期所限之里俱不爽言嘗與友偕行於塗遇雨行數里俱不少霑濡

李時夢兆 李時任丘人父蔡弘治間爲萊州知府時來省之因謁海廟欲禱卜科第以誠弗豫不果旣歸夢入廟中得八十籤翼日取籤書視之有鳳逐鸞飛之句

明年壬戌果登第選翰林庶吉士官至大學士見紀夢碑

學詩夢兆 李學詩字正夫平度州人嘉靖乙酉秋郡守李霆夢桃花洞一少年得雋已而學詩中試連第進士學詩結廬讀書處則桃花洞之麓也

刃蛇流血 膠州石門寺前有泉自石竇出冬夏不竭時有大蛇出入其中每將陰雨輒聞其中有龍吟聲後蛇出爲寺僧所刃流血數日寺僧驚惶讖悔設祭始止豕婦救子 僧性香者即墨人居大覺禪林夜夢婦人跪而泣曰願師遲曉鐘以活我且曰張三主人已困我矣我兒未見天日惟師憐之如此者凡再香不能復寐趣使人視張三家則牝豕在縛將俟鐘鳴時宰之使者遽稱其師命釋豕甫釋而生子十餘在地矣

荆溝雪梅 平度州南十里地名荆溝遇寒水中結梅萬曆辛丑十有二月結梅花數本於冰內長四五尺許如琉璃狀玉骨參差非畫工能成

傳疑

## 萊州府志卷六

五五

登山得經 春秋時吳王夫差嘗登勞山得靈寶度人經

逐女見王 孤逐女齊即墨之女齊相之妻也女孤無父母狀甚醜齊相婦死女造

襄王之門而見焉王與之語女曰大王知國之柱乎相國是也夫柱不正則棟不安棟不安則椽椽墮屋幾覆矣王則棟矣庶民椽椽也國家屋也夫屋堅與不堅在乎柱國家安與不安在乎相王曰吾國相奚若對曰王之國相比目之魚也明其左右賢其夫妻是外比內比也王曰吾相可易乎女曰中才也求之未可得也妾聞明王之用人推一而用之故楚用虞丘子而得孫叔敖燕用郭隗而得樂毅大王誠能勵之則此可用矣王曰善遂尊相敬而事之以逐女妻之齊國稱治

勞山石人 即墨陰山池旁有石人長一丈五尺大十圍旁有馬跡世傳秦始皇遣此石人逐勞山不得遂立于此

劉聿好鷹 唐永徽中萊州人劉聿性好鷹遂之界山懸崖自縊以取鷹雛欲至巢而繩絕落於樹岐間上下皆壁立進退無據大鷹見人銜肉不敢至巢所遙放肉



下聿接取肉餒雛以外卽自食之經五六十日雛能飛乃裂裳以繫鷹足一臂上繫三聯透身而下鷹飛制其兩臂比至澗底一無所傷仍摯鷹而歸

朱蛇化兒 宗立本黃縣人紹興間與妻販縑帛塗遇小兒約六七歲遮拜語言儼利問所來對曰我昌邑縣公吏之子立本拊之曰肯我從乎兒拜泣遂收育之名爲神授兒性警敏能作大字篆隸草書立本棄舊業攜兒遊以自給後二年至章丘逢一胡僧指兒謂之曰爾何處拾來立本曰吾妻實生之僧笑曰是吾五臺山五百小龍之一也索水噴噴立化爲小朱蛇收入淨餅淮東鈐轄王易之親覩厥異

焦女燎麥 焦花女者不知何代人亦不知爲誰婦事繼姑至孝姑病值冬月思新麥燎食之焦慟求至河濱向陽忽有生麥穗焦取歸供姑姑食之病已事聞旌其里併名其嶺曰錫恩嶺至今膠州燎麥臺遺跡尙在其河名孝源海州雲臺山賢孝碑亦紀其事

## 萊州府志卷六

## 五六

卽墨古塚 郡國志云卽墨城北有古塚或發之有黃牛從埏門出犯之卽吼不可動又曰縣有徐誕弟子夏侯皋墓皋死後有人遇皋以手巾寄信與誕乃棺中物也

大事記

不出一郡也而或關氣運或係綱常或一時殊恩或永逸大役或變所希有或事未前聞有諸目所未槩見及微見而未彰明者皆特書焉非敢妄希紫陽之筆要以竊附三代之直也

虞

禹告成功濞淄其道萊夷作牧

夏

少康四十歲靡自有鬲氏收二斟之衆滅寒浞立少康王滅澆于過

后杼五歲征東海

后芒元歲東狩于海

周

平王四十九年八月紀人伐夷夷在城陽壯武縣

萊州府志卷六

五七

五十年十月紀子帛莒子監于密

莊王時齊始通魚鹽於東萊

四年十月齊師遷鄆

十一年五月魯公敗宋師于鄆

襄王二十九年春介葛盧朝魯

定王五年魯公會齊侯伐萊

七年齊侯伐萊

靈王元年齊侯伐萊萊人使正輿子賂夙沙衛以索馬牛齊師乃還

是年齊侯召萊子萊子不會晏弱城東陽以偪之

五年四月晏弱復城東陽遂圍萊堙之王湫率師及正輿子棠人軍齊師爲齊師

所敗萊共公浮柔奔棠晏弱圍棠滅之遷萊于郕

安王十一年齊田和遷其君貸於海上

烈王七年齊侯封卽墨大夫

赧王二十六年齊封田單于掖

三十六年燕侵齊卽墨大夫死之

是年田單襲破燕

秦

始皇二十八年遣徐市發童男女數千人入海求仙人登勞盛山望蓬萊

漢

高祖元年項羽徙田市爲膠東王

是年田榮弒膠東王市自立爲齊王

四年韓信襲破齊齊王廣東走高密楚救齊韓信擊破之殺龍且濰水上

是年田橫逃居卽墨島中尋奉詔詣洛陽未至自殺

文帝十六年立白石侯雄渠爲膠東王平昌侯邛爲膠西王

### 萊州府志卷六

五八

景帝三年膠西王邛膠東王雄渠反

是年立楚元王子端爲膠西王

是年立子徹爲膠東王

中元二年立子寄爲膠東王

武帝元鼎四年以膠東宮人方士欒大爲五利將軍尙公主

元封二年春帝如東萊

太初元年益遣方士入海

太始四年夏四月幸不其

征和四年春正月帝如東萊

宣帝神爵三年以方士言祠太室于卽墨三戶山于下密參山八神於曲成

光武建武二年九月遣光祿大夫伏隆拜張步爲東萊太守

晉

武帝太康六年春正月尚書左僕射掖劉毅卒

懷帝永嘉元年春二月羣盜王彌等殺東萊太守

元帝大興二年春二月掖人蘇峻帥衆浮海奔晉

北魏

太和十三年正月兗州人王伯恭聚衆勞山稱王東萊鎮將孔伯孫討斬之

出帝時青州耿翔反襲破膠州殺刺史裴粲

隋

煬帝大業七年勅幽州總管元弘嗣造船三百艘於東萊

八年命總管來護兒率樓船由東萊渡海討高麗

九年歷城羅士信以兵從郡丞張須陀擊齊郡盜王薄于濰水上破之

唐

太宗貞觀十八年十月以張亮爲平壤大總管帥兵四萬艦五百自萊州泛海征高

## 萊州府志卷六

五九

麗

是年太宗駐蹕唐島

宋

徽宗政和七年取萊文石

欽宗靖康間虜寇膠東

高宗建炎元年膠西高密盜起知密州趙野棄城走爲其下所殺

二年金人陷濰州知州韓浩通判朱廷傑死之

紹興三十一年李寶大破金人于膠西陳家島

甯宗嘉定七年金濰州李全兵起

度宗咸淳七年統制范廣率師攻膠州兵敗被執

元

世祖至元十七年從萊人姚演言命演自膠西陳村等處開膠河海運

二十二年詔罷膠萊新河

是年勅樞密院計膠萊諸處漕船備征日本

二十七年濰州知州張萃建州治

仁宗正祐間濰州達魯花赤火你赤建儒學

順帝至元間高密知縣秦裕伯建儒學

至元間卽墨知縣董守中建縣治並儒學

至正間膠州監州普顏不花帖木兒修文廟

至正間劉福通將毛貴陷萊州膠州監膠州僉樞密院脫歡萊州守臣釋嘉納死之

至正二十七年征虜將軍徐達等帥師下益都招撫東萊山東行省左丞安然守萊以城歸附

然知胡運既衰中國有主去之可也而舉城來附顯膺終身食祿之謂何犬不吠

### 萊州府志卷六

六〇

非其主乎舊志列名宦今去之

明朝

洪武三年昌邑建儒學

四年都指揮馬雲等由萊渡海招降故元參政葉廷秀

五年命靜海侯吳楨總舟師數萬由萊轉運餉遼東戍兵

六年膠州知州趙禮建州治

十二年都督張赫朱壽率舟師由東萊海運

十八年命湯和築海上城起東萊抵江浙凡五十城

永樂間妖賊唐賽兒寇膠州

景泰五年夏不雨命太常寺少少卿李宗周祭告東海雨尋降是年大熟

正德六年流賊劉六等寇昌邑知縣劉堅棄城走府同知劉文寵率其子暨鄉民朱虎等禦之其子戰死蘭池

是年流賊寇膠州

是年流賊寇平度州燬州治

是年流賊寇即墨不能攻去之

是年流賊陷濰縣知縣張志高棄城走萊州衛指揮張陞死之

是年流賊寇東萊萊州衛指揮蔡顯死之

是年流賊攻破高密遊擊卻永破之

嘉靖十四年副使王獻開膠萊新河未竟開

二十一年五月 詔撫按官存問大學士毛紀

二十四年六月六日少保大學士毛紀卒

隆慶四年以尚書劉應節言遣侍郎徐枋開膠萊河尋罷

是年參政潘允端行海運

是年前御史膠州樂尙約闔室爲家奴樂桂等所殺桂等尋伏誅

### 萊州府志卷六

六一

萬曆二十四年命太監陳增開礦於萊諸州縣

二十五年以道士耿一蘭訐奏詔逮勞山僧德清戍廣東

二十六年命太監陳增榷稅於萊州府州縣

二十八年十一月修萊城成

三十年知府龍文明建東萊小學修海廟

是年修即墨城成

是年詔開新河尋罷之

典籍

六經而後作者何紛紛乎頌自 內府藏諸學宮通之天下者不具載惟是萊產  
及至於是邦者其人既重於當時則其言可立於後世故其論著雖埋於人代世  
不盡見其書余為表章其名使後世有述焉

周

太公金匱二卷

六韜六卷

晏嬰春秋十二卷

甯戚相牛經一卷

孫子一卷

漢

董仲舒春秋繁露十七卷

春秋決事比通

費直易

萊州府志卷六

六二

庸譚古文尚書

劉熙釋名八卷

三國

鄭玄諸家音十五卷

毛詩譜三卷

六藝論一卷

儀禮音二卷

今字石經尚書八卷

三禮圖九卷

三禮目錄一卷

鄭志八卷

左氏膏肓九卷

註易

古文尚書九卷

尚書緯三卷

尚書中候五卷

伏勝尚書大傳三卷

尚書釋問四卷

易緯稽覽圖七卷

周禮十二卷

儀禮十七卷

禮記十二卷

喪服經傳一卷

喪服譜一卷

禮緯三卷

古今論語十卷

孝經一卷

乾鑿度二卷

箋毛詩詁訓傳二十卷

毛詩故訓二十卷

徐 幹中論二十篇

晉

徐 苗五經同異評

隋

宇文愷東都圖記二十卷

明堂圖儀二卷

釋疑一卷

### 萊州府志卷六

六三

唐

李 邕狄梁公家傳三卷

金谷園記一卷

五代

韓熙載格言五卷

文集五卷

宋

鞠 常文集二十卷

吳 奎嘉祐時政記一卷

呂好問集二十卷

外集二卷

綦崇禮北海集六十卷

呂祖謙臥遊錄一卷

大事記十二卷

解題十二卷

通釋一卷

新唐書略三十五卷

讀書記七卷



閩範十卷

文集十五卷

別集十六卷

外集五卷

歷代奏議十卷

附錄三卷

古文關鍵二卷

國朝名臣奏議十卷

東萊博議

考訂古周易

辨志錄 即少儀外傳

書說十卷

文鑑

官箴

孫祖德論事七卷

蘇軾前集四十卷

後集二十卷

奏議十卷

外制十卷

內制十卷

陶和集四卷

應詔集十卷

別集四十六卷

### 萊州府志卷六

六四

東坡祠二卷

詩話二卷

書傳十三卷

東萊蔡惇祖宗宦制舊典三卷 惇齊姪孫

王季夷北海集二卷

陳澹禮記集說

元

于欽齊乘六卷

國朝

黃忠宣公文集

毛文簡公類藁

海廟集

藍田文集

崔廷槐文集

王文翰尚古類氏集

劉 祐選古文正論

龍文明擇 皇明文選

膠萊河始末全議

趙 耀選古文雋

董 基萊州修城志

徐 樞寰宇分合志

萊州府志卷六

